

Rajren Sipa.hi

Mit't.en raje tahe~kana ar uniren mit't.en sipa.hi. Uni sipa.hi do_ pa.cri dua.r t.hene pahraea; ado_ ja~ha~e ho_r. ja~ha~nak' a.krin' la.git' raj t.henko a.gui khan do_e metakoa, Noa jinis tina.k' damok'tapea, ona reak' adha dampe eman' khan, e_nd.e_khan raj t.hen bhitri mo_ho_lten' bo_lo_ ocoapea; ar bape eman' khan do_ o_ho_n' bo_lo_ ocolepea. Ado_ cekaeako be_cara? Re_n'ge_c' ho_r. bako a.krin'le khan ma din gujra.n ban' calak'tako. Ado_ khangе adha damko go_k'aea, to_be_ko bo_lo_k'a. Nonkage uni sipa.hi do_ je kichu o_nd.e_ calak' ho_r. do_, sanam ho_r.geye onkakoa. Ado_ khangе mit' dhao do_ mit't.en ke~ot.a maran' uta.r hakoe jha.likedea; ado_e me_nket'a, Nui hako do_ raj t.hen in' a.krin'ea, d.her dam na~ha~k' hoyok'tin'a. Onka bundis bar.akate uni ke~ot.a do_e idikedea. Ado_ ona pa.cri dua.r t.he_c'ren sipa.hi do_e metae kana, Okatem bo_lo_k' kana bin hukumte do? Hape ten'gonme. Ado_ uni ke~ot.a do_e me_nket'a, Raj t.hen hako a.krin'e la.git' in' bo_lo_k' kana.

Ado_e metadea, Nui hako tina.k'e damok'tam, ona reak' adha dam eman'me. Cet' kichu ona do_ bam bad.aea? Nun din khonem a.guyet'kore ho~ bam bad.aea? A.na.r.ik' kangeam? Khangе ado_e me_nket'a, E_ baba, bad.ae do_n' bad.aegea, me_nkhan, bana am t.hen in' ne_ho~rok' kana, nia. dhao do_ ika.kan'me. Nui hako reak' pura. dam in'ge hatao ocoan'me; alo onka do_m pajhetin'a; ika.ka.n'me bar.e_. Ja~ha~ hilok' in' a.guleko khan do_ unre do_n' emangea, o_ho_n' e_r.e_mea; me_nkhan nia. dhao do_ ika.ka.n'me. Me_nkhan sipa.hi do_ bae an'jo_mlet'taea; una.k'e ne_ho~renre ho~_ bae ika.ledea. Ado_ khangе uni ke~ot.a ac' mo_ne_reye bujha.u bar.aket'a, Judi nui hako ba.n' a.krin'le khan do_ na~ha~k'e seak'tin'a. Nonka hudis bar.akate ado_ ba.pur.ic'kate adha dame go_k'adea. Khangе ado_ bhitri mo_ho_lte raj t.hene bo_lo_yena. Ado_ raje kuli kedea, Cele ho, okatem he_c' akana? Ado_e me_nket'a, Hakon' a.gu akadea; nui hako reak' dam eman'me. Ado_e metadea, Nui hako do_ tina.k'em damea? Ado_ uni ke~ot.ae me_nket'a, Ia. raja saheb , nui hako reak' dam do_ mit' sae t.hen'ga dal.

Ado_ khangе raje me_nket'a, Henda ke~ot.a, cedak' onka do_m dame kana? Nonkan dam do_ nun jug in' hoyok' kana, me_nkhan ban' an'jo_m

akat'a. Onate a.d.i hahar.an' an'jo_met' kana. Mase_ noa reak' bhe_d
bhan'gaoan'me. Noa do_ cet' lekan dam kana? Ado_e la_iae kana, Noa
reak' bhe_d do_ noa kana: ja~ha~e ho_r.ge ja~ha~nak' a.krin' la.git'
am t.henle hijuk' khan, uni pa.cri dua.rren sipa.hi do_ bae bo_lo_
ocoalea. Ado_e metalea, Noa jinis tina.k' damok'tape, ona reak' adha
dam eman'pe, e_nd.e_khan in' bo_lo_ ocoapea. Onkae metalea; ado_ adha
damle go_k'aea, to_be_ e_ne_c' am t.henle bo_lo_ dar.eak' kana. Ar
tehen' ho_~ adha dam a.urin' go_k'ae ha.bic' do_ bae bo_lo_ ocoan' kan
tahe~kana, onate onka do_n' dam akadea; mit' sae t.hen'gam dallin'
khan, e_nd.e_khan ona reak' adha, bar isi ge_l t.hen'ga do_ unim
dalea.

Khange ado_ noa kathae an'jo_m cabaket' khan, raj do_e ran'gaoente uni
sipa.hige mit' sae be~_te dalkedea, ar ca.kri khon ho~_e barkhas
uta_rkedea.

Tuma_l- Santal Folk Tales